



PARTS DA L'EXAMEN

- 1) valitaziun specifica dal potenzial
- 2) test da la motorica da sport respectivamain test musical
- 3) profil da persunalitad

La valitaziun specifica dal potenzial vegn fatga ed inoltrada da l'associaziun chantunala cumpetenta u d'ina associaziun surordinada.

Il test da la motorica da sport cumpiglia:

- forza: in exercizi or dal "[Manual Leistungsdiagnostik](#)" da Swiss olympic (test da la forza da basa dal corp, p. 58-63)
- cundiziun: cursa pendulara, cursa da 12 minutas u cursa sumeglianta
- abilitads coordinativas: ils cuntegns da l'examen vegnan communitgads il di da l'examen

Il test musical cumpiglia:

- exercizis da ritmica
- udir intervals, determinar en moda generala dur e mol
- chantar avant e chantar suenter motivs melodics simpels
- enconuschientschas da las basas teoreticas
- sunar giu dal fegl

Il profil da persunalitad vegn eruì cun agid d'in test da computer. Quest test dura circa 30-45 minutas. Cun quel vegnan registradas las caracteristicas persunalas relevantas per la prestaziun. Examinads vegnan tranter auter la tenuta da lavur, l'orientaziun a finamiras, la motivaziun da prestaziun sco er l'ir enturn cun success e cun sconfittas. Il test da multiple-choice consista da dumondas e da descripiuns da situaziuns pertutgant il mintgadi da sport respectivamain da musica d'in giuven talent. I sa tracta da tscherner la resposta ch'è la pli adattada per la scolara u il scolar che fa il test (e betg la resposta ch'è correcta u faussa). I n'è pia betg necessari d'exercitar per questa part da l'examen.

Dumondas exemplaricas:

En sport/en musica has ti pervia d'ina blessura in grond retard da trenament/d'exercizi.

- Jau sper che quest retard na ma fetschia betg donn.
- En il fratemp trenesch/exercitesch jau in pau dapli.
- Jau prend suenter il retard cun trenar/exercitar sistematicamain e supplementarmain.

Ti n'es insumma betg cuntent(a) cun il resultat d'ina concorrenza/preschentaziun impurtanta. Pertge è quai capità?

- Jau hai già disfortuna.
- Ils auters èn stads megliers.
- Jau na ma sun betg dà avunda fadia.
- Igl è stà grev.
- Jau na sai quai betg bain.

VALITAZIUN E PREMISSAS PER REUSSIR

Valitaziun e taxaziun

Tut las parts da l'examen vegnan validadas cun notas entiras, cun mesas notas u cun quartas notas e quintadas sco suonda:

- valitaziun specifica dal potenzial (40 %)
- test da la motorica da sport respectivamain test musical (30 %)



Amt für Volksschule und Sport
Uffizi per la scola populara ed il sport
Ufficio per la scuola popolare e lo sport

- profil da persunalitad (30 %)

Tar il test da la motorica da sport e tar il test musical vegn resguardada la vegliadetgna relativa. Cun giuditgar la valitaziun specifica dal potenzial en il sector da talent "sport" vegn ultra da quai tegnì spezialmain quint da l'impurtanza da la disciplina da sport.

Premissas per reussir

L'examen d'admissiun è reussì, sche la media da l'examen cuntanscha la valur 4.5 e sche la summa da las divergenzas da las notas d'examen vers engiu tar la nota 4 n'importa betg dapli che 1 punct. La media da l'examen vegn calculada sco media betg arrundada da las notas da las parts da l'examen.